

NTLU EO LE KA NKHAELANG

EONA KE E JOANG?



Kea u leboha, Moena Green. Ke monyetla. Litumeliso ho Moena le Khaitsele Green, le bohle mona hoseng hona. 'Me ke utloa ke filoe monyetla, ho tla nqalong ena ea thapelo, ho hlahisa litsebiso tse 'maloa.

² Mona ha ke batle ho qeta nako ea Moena Green, hoba ke utloile Moena Green makhetlo a mangata, a bua, 'me ka hla ka susumetsoa, e le ha a re tlišetsa Lentsoe la Morena, 'me o ikokobelitse haholo ka eona. Maobane o itse, "Ha ke amohele Lentsoe le tsoang ho Morena kamoo Le ka tlang ka tšenolo, kamoo—kamoo E romeloang, empa," ho re, "Ke rata ho—ho toboketsa holim'a se builoeng." O itse, "Joaleka Pauluse ha a ngotse ntho Bibeleng, ke tlile koano ho hatisa holim'a seo a se buileng." Ho re, "Ha ke na molaetsa, haese feela ho hatisa holim'a se builoeng se tsoa ho Morena." Joale hoo ho ne ho hlile ho tsotaha, e—e mothaka e mokaalo, 'me a bue, a hlahise tlhahiso e joalo.

Joale ha re hlahiseng lentsoe la thapelo 'moho.

³ Molimo o ratehang, ke batla ke sa tsebe nka qala joang, hoba ke utloa U le teng mona kajeno, 'me ka pel'a Sefahleho sa Hao re ikutloa re nyenyefetse. Ke bile ke—ke U leboha ka monyetla oona. Joale, Morena, haele moo U re neile sebaka sena, re U rapela ho kopana le rōna nako le nako ha re bokana mona. Le Moea oa Hao o Moholo o khurumetse motse oona! Re khone ho tliša Molaetsa oona oa Evangeli eo re e filoeng le ho beeloa matsoho a rōna letsatsing lena la morao, E ke e tlatsoe, 'me U fumane moea o mong le o mong Tucson le ka mathoko, oo o U reretseng Bophelong. Aba lintho tsena, Ntate, ka Lebitso la Jesu Krete. Amen.

⁴ Ke nahana hobane ke batla ho bala temana e nyenyane ea Lengolo mona hoseng hona, pele ke bua mantsoe ana ao ke batlang ho a bua. E fumanoa koana ho Liketso, khaolo ea 7 ea Buka ea Liketso. Ere le sa phetla moo, re tla qala temaneng ea 44.

⁵ Joale vekeng ena re ea Shreveport, veke ena e tlang, letotong la litšebeletso, le hona re tla leka, ha Morena a ratile. Moena Moore, Moena Jack Moore, motsoalle e moholo oa ka le Moena Pearry, re bile re rata Moena Jack. Molaetsa, kea kholoa, o batlile o mo hlolla, haholo holim'a lintho tseo re li ratang re li lumelang, ha—ha E tlile ho rōna ka pulo ea Litiiso tse Supileng, kamoo re Le lumelang, tse kang, "peo ea noha," le "polokeho ea Bosafeleng ea balumeli," le—le tse

joalo, Melaetsa e meng e joalo. Eo, koana ho ba bang . . . Ha re hopole Sena se le thata, empa, Sona, u tlameha ho bulela 'Nete pelo ea hao. Rea lumela re phela nakong ea—ea qetello. Hoo ho rōna ke bonnete, hore re fihlile qetellong ea tsela.

⁶ 'Me ho bua kerekeng ea monna e mong, be, u batla ho hlompaha kananelo ea monna eo, ka—ka ho u fa monyetla ho kena kerekeng ea hae. 'Me 'na, ruri, kea ba tseba ha ba lumele Hoo, 'me nka ba hlompaha ho lekana ho . . . Li ngata lintho tseo nka li buang mono, ka thoko le ho kenyeletsa Hoo; haese ha Moea o Halalelang o ka Le hatella nakoana, u a bona, ke hona nka buang kamoo A se buileng. 'Me ha ke tseba letho haese ho etsa hoo, 'me ke kholoa ke sa tl'o ithuta hantle ho feta ho etsa hoo. Ua bona? Ha re Le buang kamoo A Le buang.

⁷ Joale ha re baleng e—e temana kapa tse peli mona ho tsoa ho e—e khaolo ea 7 ea Buka ea Liketso, ho qala ka temana ea 44.

Bontata rōna ba ne ba na le tabernakele ea bopaki feelleng, kamoo ea buang le Moshe, a neng a mo laetse kateng, ho e etsa ka setšoantšo seo a se boneng.

Eitse hobane ntata rōna ba e neoe ba ea le eona lefatšeng la Lichaba, tseo Molimo o li lelekileng pel'a bona ba ena le Joshua 'me ea 'na ea lula teng, ho fihlela mehlang ea Davida;

Davida a bona mohau pel'a Molimo, 'me a kopa hore a batlele Molimo oa Jakobo tabernakele.

Salomone ke eena ea o hahetseng tempele.

Empa ea Holimolimo a ke ke a aha litempeleng tse entsoeng ka matsoho; joalokaha moporofeta a boletse,

Leholimo ke terone ea ka, . . . lefatše ke bonamaelo ba maoto a ka: ntlu eo u ka nkahelang eona e ka ba e joang: ho bolela Morena: le nqalo eo nka phomolang ho eona e ka ba efe?

Ana matsoho la ka ha se lona le entseng ntho tseo kaofela na?

⁸ Holim'a Sena, palo ea Lengolo lena, ke batla ho bua mantsoe a se makae ao ke batlang ho a bua pele Moena Pearry a tlisa molaetsa oa hoseng.

⁹ Ke fumana oona e le motsotso o moholo oa ketelo ea ka Tucson. Ke tlile koano hoba ke tataisitsoe ho tla koano. Ke tlile koano hobane Moea o Halalelang, ka pono, o nthometse mona. Kea tseba e ka bonahala e hlolla, mohlomong. Empa Eena, ho latela tsebo ea ka, sohle sa Molimo seo ke se tsebang, ke rometsoe Tucson ka pono. Esale ke ipotsa lebaka la ho romeloa ha ka tulong ena e lehoatata. Le hona mona moo ho nang . . .

¹⁰ Ka puo ea moea, holim'a motse, ha ke tsebe tulo e shoeleng moeeng ho feta, ho feta motsoe oa Tucson. Ho tshile lintoa

lipakeng tsa likereke. Likhang lipakeng tsa liphutheho. Bonngoe ha bo eo, e mong le e mong o a phamola, o hamaretse, o a hatella, o leka ho fumana *enoa*, 'me ba sokollana. Ke lehoatata, ha re bua moeeng, hape.

¹¹ Empa eaba ke bala Bibeletse, moo Molimo a bitsitseng Moshe a mo arohanya le baratuoa ba hae le sohle se ratehang ho eena, oa mo romela lefeelleng, ho ngola Melao ea Bibeletse. E ne e le Testamente ea Khale, Libuka tse 'ne tsa pele, Genese, Levitike, le Deutronoma, Exoda. A. . . Ha kea li bua hantle, empa ke tsona Libuka tse 'ne. Ka tokelo ke eona Testamente ea Khale. Hobane, kaha e 'ngoe eohle E le seo baporofeta ba se buileng, ho Lipesalema tsa Davida, le tse joalo, empa Likronike tsa marena. Empa tsena e le tsona metheo ea Testamente ea Khale. Moshe o li ngotse hoba a bitsoe a ntšoe lehaeng la habo, moo a hlahetseng a holetse bathong ba habo, 'me a isoa lehoatateng, ho ngola Buka ena ea Testamente ea Khale.

¹² Eaba ke fumana Bukeng ea Testamente e Ncha, moo Pauluse, e leng mothei, kapa e seng mothei, empa mongoli oa Testamente e Ncha. Le eena o kile a bitsoa a ntšoa bathong ba habo, 'me, ka Moea, a kena Arabia, teng a qeta lilemo tse tharo le halofo, ho fuoa pululelo. Athe ebile Pauluse ke mongoli ea ka sehloohong oa Testamente e Ncha. Joale, ho na le Mattheu, Mareka, Luka, le Johanne, empa e ne e le lingoli tse ngotseng seo Jesu a se buileng ba ntse ba Mo latetse. 'Me, empa, ha u nka Buka ea Timothea, le ho fihla ho Baroma, le ho fihla ho Baheberu, le tse joalo, Pauluse o fuoe pululelo ea ho ngola Testamente e Ncha; a nka liriti tsohle tsa Testamente ea Khale, eaba o a e hlophisa. 'Me Molimo oa e hlomphe, oa e etsa Testamente e Ncha.

¹³ 'Me joale efela ha Testamente ea Khale e ne e tlameho ho ntšoa. . . mongoli a ne a tlamehe ho ntšoa bathong ba habo, ho kena lefeelleng, ho fuoa pululelo ho ngola Testamente ea Khale. Le kahara Testamente e Ncha, mongoli o ne a ntšoe ke Mothei, ho kena lehoatateng, ho fuoa pululelo ho ngola Testamente e Ncha. Athe Libuka li tiisitsoe ka Litiiso tse Supileng; e tla qosa hona hoo, kea kholoa, matsatsing ana, ho manolla Litiiso tse Supileng tseo. Ho siea seo u se ratang, seo u se ananelang, le ntlu e nyenyane eo batho ba mphileng eona, le har'a batho ba haeso bohle le metsoalle, le kereke e neng e atleha, e sa hloke letho; le ho—ho siea hoo, ho ikhula ho eona, ho tsamaea, ho kena lehoatateng moo u sa tsebang le motho, 'me sohle se eme khahlano le uena.

¹⁴ Empa ntho e teng ka Molimo, O qophella motho ho etsa lintho tse hlolang kutloisiso ea hae, e tle e be tlotlisong le pokong ea Molimo. 'Me ke utloa hoo, hase ka boithoriso, empa ke—ke utloa e le monyetla ho siea sohle seo nkileng ka se rata, ho tla koano mona lefeelleng le ho sotleha se ka ke eso sotlehe bophelong ba ka, mona lefeella lena, kapa lehoatata lena.

Empa kea lumela, ka ho etsa joalo le ka ho utloa seo Molimo a se laetseng ho etsoa, Molimo o re manoletse liphiri tsa letsatsi lena la qetello. 'Me re mona ka Molaetsa oona.

¹⁵ Joale, batho ba bangata ba ile ba ntšala morao, 'me hoo ha ho makatse. Ka tloaelo motho re . . . Batho ba ratana, 'me lona, lerato, le u hatella ho etsa tse u nong u sa nahana ho li etsa. 'Me bongata ba lona la siea malapa a lona, la siea tsohle, ho tsamaea feela, ho tsoela kantle mona lehoatateng.

¹⁶ Bongata bo ntsetselitse, bongata ba mpotsa, "Na re ka tla Arizona? Na ekaba tulo e molemo ho rōna?" Be, joalokaha ho kile ha bolelloa Moshe le bao, e ne e se tulo ea nala, e se tulo ea garanate.

¹⁷ Mona mosebetsi ha o mongata, le bophelo bo theko e thata, le litjêho tsa bophelo li holimo. Ke tulo e khohlahetseng ho phela ho eona, Tucson ena, Arizona; meputso e tlase, le—le lijo li phahame, le rente. Ke—ke tulo e tšabehang ho phela ho eona, ka tsela eo. Empa e phetse hantle, e omme. 'Me rōna ka linako tse ling . . . Ha rea tšoanela ho thea likello tsa rōna linthong tsa lefatše lena.

¹⁸ Re tšoanela ho sheba boetapele ba Moea o Halalelang. Empa ntho e le 'ngoe e nkhatlitseng ho tla koano, le ho bolella batho, be, "ha le a tlamêha ho tla" kapa "le tlamêha ho tla," taba eo ke e tlohella motho ka bomong, kamoo motho a tataisoang ke Molimo ho etsa. Ke hopola mang le mang oa rōna a tlamêha ho etsa hoo, ho tsamaisoa ke Moea, ho etsa'ng.

¹⁹ 'Me bohola ba lona mona le tsoa 'nq'a Jeffersonville, le phuthehong ea mono, 'me le tsoile le tlile koano. Joale, ntho e ileng ea nkhatatsa, e ne e le 'nqalo ea ho rapela.

²⁰ 'Me kea lemoha, ha ke bala Lengolo mona, la Setefane le puo ea hae pejana ho lefu la hae; hoba ba mo tlapunya ka majoe hang kamora moo, ka baka la molaetsa oa hae. Eare a sa bua, o itse, "bontata rōna," a bua ka Baheberu ba mehleng e qalang, kamoo ba lekileng ho bona mohau mahlong a Molimo, ho aha 'nqalo ea ho rapela. O boletse seo, "Salomone ke eena ea O hahetseng ntlu, kapa moaho." Re tseba pale eo.

²¹ Empa ke rata mantsoe a hae a latelang, "Fale ea Holimolimo ha a ahe matlung a entsoeng ka matsoho," le tulong e 'ngoe koana ho Esaia. O itse, "'U Ntokiselitse 'Mele; ua bona, sehlabelo le liches, meaho, le tse joalo, empa U Ntokiselitse 'Mele.'" Be, re lemoha mohlang oo a ne a bua ka 'mele oo Molimo a na a ahile ho oona, ka ho Kreste.

²² Empa kajeno kea lumela, tšusumetso e tlileng ho—ho Moena Green, ho fallela koano, eena le Khaitseli Green, ba tela tulo ea bona morao koana bochabela, hape, le hona, morao Texas, ho tla koano ka . . . ho qala ka letho; haese ka tšusumetso feela, ba ikutloa ba tlamêhile ho etsa hoo. Ke ananêla banna ba salang tataiso ea Kreste morao, ho sa natse bkae boo e ba qosang bona.

23 Leha lefatše lohle, ekaba metsoalle ea hao e khabane, ba u hopola u fositse, empa ho uena ha e phoso. Ha feela ha u utloa ntho e le teng ho e tšehetsa, ke Molimo o u tsamaisang; le ka mohla ha e fose, 'me kamehla e tla bitoha e lokile.

24 Na le bona bathoana ba bacha bana, mohlankana ea nang le talenta. Ha ke rialo hoba a lutse mona. Le mosetsana enoa ea nkileng masea a hae, o tlamehile ho hlokomela lelapa la hae, 'me o tlohetse mosebetsi oa hae le tsohle, ho tla koano.

25 Kea eelloa lilemo tse fetileng mohla ke biletsoang tšebeletso ea lentsoe. Ha ke eso atlehe joaloka molisa, hoba ke ne ke liila, ka moea o rabarabang. Ha ke khotsofale kae kapa kae. Hohle feela moo Moea o eang teng, ke tlameha ho tsamaea le Oona, hobane ke tšoare Molaetsa. Jesu o itse, "Ke bile ke tlameha ho bolela motseng o mong oona hape."

26 Empa ba teng balisa ba alosang mohlape. Ke motlotlo ha Moena Pearry a setse tataiso ea Moea o Halalelang morao, 'me kajeno re na le tabernakele. E nyenyane. E lekane ho qalisa ka eona, ho bona seo Moea o Halalelang. . . Ha re tsebe, ha re hateng khato ka khato. Joale, kea lumela, efela ha Molimo o buile le Moena le Khaitseli Green, ho tla koano, 'me ho butsoe tulo eo bana ba rōna; sebakeng sa ho palama libaesekele tsa bona Sontaha hoseng, le ho tlala hohle literateng, ba na le tulo ea ho tla rapela, sebakeng sa ho lula le ho mamela seo re se utloileng seea-le-moeeng, etsoe ho itoketse.

27 Empa rōna, joaloka sehlopha sena sa batho, re tšoare Molaetsa oa letsatsi lena. Rōna, re lumela Molimo a re neile Molaetsa. 'Me Moena Green, ke, ha ke batle ho 'mitsa motlatsi oa ka, hobane re. . . Be, ebile, hape, ke motlatsi oa ka, re 'moho Molaetseng oona. Moena Green o seo ke se rerang le Molaetsa oo ke o lumelang. O tlohetse lelapa la hae, o tlohetse ba habo, o tlohetse kereke ea hae. Eena, kea kholoa, e ne e le supritente ea lebatooa kapa ho hong, ea o mong oa mekhatlo, 'me a tela ntho eohle mohla a utloang Sena. A siea sohle seo a kileng a se rata, hape, ho tla lehoatateng, e le feela ho tšehetsa seo Molimo a re fang sona hona joale.

28 Ke rialo ke lumela e sa lokela ho lula lipelong tsa rōna feela, e ka khona e be tšoanelo ea rōna ho mo tšehetsa, sohle seo re ka se khonang, ho etela litšebeletso, ho tla rapela mona, le ho fetola sena setša seo Molimo a ka re senolelang tseo O re boloketseng tsona ho li senola. Mokana polelo ea hae e buile, "Molaetsa ha o tle ho 'na ka kabo ea tšusumetso, kamoo o ka tlelang ba bang ba rōna, empa," o itse, "ke mona ho tšehetsa seo Molimo a se abileng." Polelo e kakang! 'Me kea lumela, hola re ka sebetsa 'moho bohle, re tla teanya lipelo tsa rōna le eona.

29 Kea tseba mang le mang oa lona, haeba le ikutloa joaloka 'na, ke lapetse haholo ho bona Moea oa Molimo o tsamaea, ke batla ke sa khone ho e mamella. Maiphihlelo a sa tsoa

ntlhahela holimo thabeng, ho boela ke utloa hoo hape, eona Ntho e kileng ea tlokoma pelong ea ka mohla ke pholosoang la ho qala! 'Me re ka kena tulong, re ka lula 'me ra e bona har'a rōna, hore rea omella. Re sa lutse lehoatateng mona, ke kena har'a baena beso, ba qoqa le 'na 'me ke qoqa le bona; kamehla, ka mokhoa oa temoho, ho phopholetsa koo ka Moea, kamoo e hlalileng, ho bona maemo a moena eo feela, ho bona se phoso. Ke qala ke utloa bohle re ntse re qepa, re suthela hole le Moea. E se e le tloaelo haholo ho rōna. Re tsoanela ho rapela ka Moea, moo Moea oa Molimo... Hase Molaetsa oa rōna feela o tlamehang ho fetoha lelakabe la hora, e ka khona e be lelakabe lipelōng tsa rōna. Ua bona? O tlameha ho lula lipelōng tsa rōna, kapa re ka sitoa—re ka sitoa ho O hlalishetsa batho ka nepahalo. Moea o tlameha ho jara Molaetsa, Boona. 'Me ke tšepa le ho lumela ho e mong le e mong oa lona, e le Mokreste oa makhontho.

³⁰ Joale ba hloka mesuoe ea sekolo sa Sontaha. Ba tla hloka moifo. 'Me ke batla ho e bua tjena le tle le utloisise ka ho hlaka. Ena ke kereke ea ka.

³¹ Ke hlotse lilemo tse tharo mona. 'Me esale ke buletsoe monyako o le mong, Moena Mack ke eena ea nkopileng ho tla rera. Molimo a mo hlohonolofatse. Batho ba bang ha ba eso 'meme; ha kea koetla letho khahlano le bona, ba itoketse. Moena Brock, motsoalle oa ka e moholo, Moena Gilmore, baena ba bangata bana mona ba Pentekosta, ke metsoalle e tebileng e lokileng e tiile, ehlile e tiile ho 'na. Kea ba rata; ha ho letho khahlano le bona. Ke utloisisa maemo a bona. Ba ke ke ba 'memela ka mono, ba ntano lula le mokhatlo oa bona. Ua bona, ba ke ke ba e etsa. Hobane, ha ba ka etsa, ba raheloa ntle. Ka hona le bona boemo ba bona. Nkile ka tjamelana le eona. Empa, khili, kamehla e ke e be, "Ho batla 'Muso oa Molimo pele," thato ea Molimo.

³² 'Me joale haele moo, Moena Green, Molimo a mo rometse koano 'me a re buletse kereke ea Tumelo e kang eo re lumelang ho eona esita le e bokoang, re lokela ho lebohela Molimo haholo, le ho etela tšebeletso ka 'ngoe, ho tlatsa sebaka ka seng seo re ka se khonang. 'Me haeba re kotjoa ho bitsa, ho rapela, ho batlisisa, ho sebitsa, ha re beng masole hantle mono... re chesehele ho e etsa. Ua bona?

³³ Le baballe Molaetsa ka hlompheho, le phele bophelo ba mofuta o loketseng. Le se O lumelle ho liloa ka sesomo. Hora eo re phelang ho eona e morao haholo joale. Rea—re se re le morao horeng joale. Ha re O pheleng ka hloeko. Be, bophelo ba ka, bophelo ba hao, maphelo a rōna oohle a tlameha ho nyolleloa, pel'a Molimo.

³⁴ Bacha ba rōna ba palama hohle, ho tloha sebakeng ho ea sebakeng, ho tloha pontšong ho pontšong, le ho ritsetsa hojana le hojana le Molimo. Hantle. Joale, eo ke 'nete. Ke e bona

baneng ba ka, le 'na ke ipona ke fihla moo ho seng. . . Lona, le lokela ho phutheha hammoho, ho rapela Molimo; Bibehe e itsalo, "Haele moo re bona letsatsi lena le ntse le atamela, re khomarelane re phuthehe 'moho." Haeba batho ba le babeli feela mona, e ba e mong oa bona. Joale hoo ke. . . Le haeba re phutheha re rapela 'moho, feela re, ntho e 'ngoe mabapi le eo, Jesu o itse, "Moo ba babeli leha ba le bararo ba kopaneng ka Lebitso la Ka, Ke tla ba har'a bona."

³⁵ Joale, mokana ke boletse pele, Moena Green o mpoletse, 'me o e buile. Mohatsa ka o tlile, a mpoella seo a se buileng ke sa le sieo. Hoo, 'me hoseng hona o buile, "Sefala se butsoe nako le nako." Joale ka tloaelo. . . Ke hore, se buletsoe 'na ho bua.

³⁶ Joale, ka tlaelo, ke ne ke lokela ho khanna tsela eohle ho ea Jeffersonville, Indiana, ho aba Molaetsa oo Molimo o phileng oona, ho o isetsa batho; ho ea koana Jeffersonville, Indiana, 'me mang le mang oa lona a rallana le naha, le ho hokanya mehala le lintho, ho fumana Molaetsa, hoba re phela ka oona. Ua bona, re mona ka morero oo. Be, ha re sa tlameha ho etsa hoo.

³⁷ Molimo o mpha Molaetsa, nka nyolohela sefaleng mona ka o rera, le ho ikutloa ke phuthulohile ho etsa hoo. Yeah. 'Me kea lumela, ka hono, hore Molimo o Matlaohle o tla le hlohonolofatsa haeba le ka ema le kereke ena joale, sehlopha sena sa batho. Ha se hoo feela, empa re tsoeng re shebe haeba re ke ke ra kenya ba bang hape. Ua bona, ha re bueng le ba bang hohle, ho bua le bona ka kereke ea rōna le seo e se bolelang. Seo kereke ea rōna. . . Re mona. Re le batla le tlile, le tlise baeti, 'me ke tiile etlaba molemo ho rōna bohle. Ua bona? Re na le mohaho, oo re o lebohlang. Re lebohela tulo ena, ho phutheha 'moho.

³⁸ Empa, "Fale ea Holimolimo ha a ahe litempeleng tse entsoeng ka matsoho, ua bona, 'Hobane Leholimo ke terone ea Ka, le lefatše ke bonamelo ba maoto a Ka; e kae 'nqalo eo Nka phomolang ho eona? Empa U Ntokiselitse 'mele.'"

³⁹ 'Me re fela re le 'Mele oa Krete. Ere re sa tloha moahong o mong ho ea moahong o mong, kea lumela, ka ho tlisa Melaetsa, 'me re tla theoha re tšoare litšebeletso tsa pholiso. Le sohle seo Morena a re senolelang sona ho se etsa, re tla se tšoarela mona hantle kerekeng, hofihlela e phophoma le be le tlamehe ho e tšoarela 'nq'a e 'ngoe, le 'nq'a e 'ngoe, hofihlela Jesu a fihla. Molimo a le hlohonolofatse.

⁴⁰ [Moena Peary Green o a tšoaela, a ntano kopa Moena Branham ho mo tlotsa. Sekheo lebanteng—Mong.]

Ha re inamiseng lihlooho tsa rōna.

⁴¹ Molimo o ratoang, re sa eme kalaneng ena, eona e bapisang, hantle holim'a aletare mona, re elelloa re le e—e

morabe oa batho ba shoang, ho ea ka lefatše lena. Re sheba koana holim'a literata re bona sebe se ngotsoe hohle, le Tlotliso ea Morena e suthang kapele. 'Me rea tseba, mohlaliso Tlotliso ea Morena e nyolohang, le Kereke e tla tsamaea le Eona. Molimo, re batla ho ba teng.

⁴² Matsatsi a 'maloa feela a fetileng, keha ke eme koug ea seterata mona, ka 'nq'ane ho seterata feela, ke shebeletse mokoloko o theohang ka seterata; ka bona litanka tseo tsa khale tsa Ntoa ea Pele li eteletse pele, ha ntano latela tanka e boima ea Sherman, ka mora eona ha latela joalo le joalo le joalo, ea ntano bomme ba naleli ea gauta; lelapa le robehileng, mosali a ntse a lla, le moshanyana ea matamuke a lahlehetsoe ke ntata'e, mosali ea holileng a lahlehetsoe ke moshanyana. Ka nahana, "Ho haula hakakang," ho ema koug ea seterata ho shebella ntho e kang eo e feta. Eaba kea eelloa, eitseha ba feta moaho oona, 'mino oa fetohela ho *Raohang, Lona Masole a Bakreste*. Ba letsetsa mohoanto oa bona, ka maorao; empa eitseha ba feta setša sena!

⁴³ Molimo o ratoang, ke hopotse nakohali e 'ngoe hape e tlang, 'me e tla be e le tsoho, mohlaliso mekaubere ea khale e hlang pele, bahalaleli, bapatriareka. "Hobane rōna ba phelang ba saletseng re ke re raka kapa ho sitisa ba robetseng; hobane terompeta ea Molimo e tla lla, 'me ba shoetseng ho Krete ba tla tsoha pele." Etlare ha re bona nthohali. . . batho ba tsamaeang feela, ba hoanta ba haola libakeng; 'me re tla be re eme, re emetse phetoho ea rōna, re tseba hobane re tla kena moleng, hape. Molimo, re fetole masole a tšepelang.

⁴⁴ Ke ba kileng ba itahlela ka setotsoana ruri 'me ba kena ntoeng ba tla tseba na seo se bolelang, ho bona litanka tseo li thetheha li feta. 'Me, Molimo, re nahana ba kileng ba betana le ntoea ea bophelo ba tla tseba na seo se bolelang, mohlaliso re emetseng lekhathe la rōna ho khohlela malulong le maamong, tsohong, ho nyolohela holimo.

⁴⁵ 'Me sena, moena oa ka e mocha, u eme mona, u koetlisitsoe, u malala-a-laotsoe, u apere, u emetse monnamoholo ho 'mea matsoho, e leng mokaubere oa khale thekong e kapele ea ntoea, ho tseba hobane o tlameha ho itahlela ntoeng, le eena. Molimo o ratehang, ke matsoho a se nang tokelo ana a beoang holim'a moena oa ka, ho bapisa a Hao. Hloholonofatsa Moena Green, Molimo o ratehang, eo ke mo hlohonolofatsang ka Lebitso la Jesu. A ke a jare Molaetsa oona, Morena, motseng oona le hohle moo U tla 'miletse teng. A ke a tšepahale, a tlale Moea, a phele bophelo bo hlong sekho. Molimo, a ke a hape lipelo tsa batho, a tle a ba rute 'me a ba tataisetse le ho ba isa tselaneng eo bohle re lakatsang ho e tsamaea. Aba sena, Morena.

⁴⁶ Hlohonolofatsa mohatsa'e ea tšepelang, bana ba hae ba banyenyane. Hlohonolofatsa maikitlaetso a rōna mona 'moho,

joaloka baena ba Bakreste mona lefatšeng, re tle re jare Evangelii ena re e ise lipheletsong tsa lefatše. Romela Moea oa Hao holim'a hae, Molimo. Re rapela ka Lebitso la Jesu Krete, re sa mo nehela ho Uena. Amen.

Molimo a u hlohonolofatse, Moena Pearry. Jara Lentsoe la Molimo!



NTLU EO LE KA NKHAELANG EONA KE E JOANG? SST65-1121

(What House Will You Build Me?)

Molaetsa wona, ka Moena William Marrion Branham, o rerilwe sethatong ka Senyesemane a Sontaha hoseng, Pudungwana 21, 1965, mane Tabernakele ya Tucson, e Tucson, Arizona, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.

www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org